

春秋戰國異辭

九

卷之五

五

五

五

五

五

五

五

五

五

五

五

五

五

五

五

五

五

詳校官編修臣曹錫齡

編修臣裴謙覆勘

總校官庶吉士臣倉聖脉

校對官典簿臣郭祚熾

謄錄舉人臣查浩

欽定四庫全書

春秋戰國異辭卷十三

右春坊右諭德陳厚耀撰

鄭

桓公

鄭桓公友者周厲王少子而宣王庶弟也宣王立二十

二年友初封于鄭

史鄭世家
王子多父食

紀年桓子作
米於咸林

鄭桓公東會封於鄭暮舍于宋東之逆旅逆旅之叟從

外來曰客將焉之曰會封於鄭逆旅之叟曰吾聞之時
難得而易失也今客之寢安殆非就封者也鄭桓公聞
之援轡自駕其僕接淅而載之行十日夜而至釐何與
之爭封故以鄭桓公之賢微逆旅之叟幾不會封也

說苑

權謀 史記齊太公
事同而其文小異

封三十三歲百姓皆便愛之幽王以為司徒和集周民
周民皆說河雒之間人便思之為司徒一歲周幽王八
年幽王以褒后故王室治多邪諸侯或畔之於是桓公

問太史伯曰王室多故予安逃死乎太史伯對曰獨洛之東土河濟之間可居公曰何以對曰地近虢鄆虢鄆之君貪而好利百姓不附今公為司徒民皆愛公公誠請居之虢鄆之君見公方用事輕分公地公誠居之虢鄆之民皆公之民也公曰吾欲南之江上何如對曰昔祝融為高辛氏火正其功大矣而其於周末有興者楚其後也周衰楚必興興非鄭之利也公曰吾欲居西方何如對曰其民貪而好利難久居公曰周衰何國興者

對曰齊秦晉楚乎夫齊姜姓伯夷之後也伯夷佐堯典

禮秦嬴姓伯翳

益同

之後也伯翳佐舜懷柔百物及楚之

先皆嘗有功於天下而周武王克紂後成王封叔虞于
唐其地阻險以此有德與周衰並亦必興矣公曰善于
是卒言王東徙其民雒東而號鄆果獻十邑竟國之

史鄭

世家
約
國語文

鄭桓公將欲襲鄆先問鄆之豪傑良臣辯智勇敢之士
盡與其名姓擇鄆之良田賂之為官爵之名而書之因

為設壇場郭門之外而埋之釁之以雞豕若盟狀鄆君
以為內難也而盡殺其良臣桓公襲鄆遂取之

韓子內
儲下

又說苑
權謀

二歲犬戎殺幽王于驪山下并殺桓公鄭人共立其子

掘突是為武公

史鄭
世家

桓公為周司徒善于其職甚得周眾又死于犬戎之難

平王于是復命其子掘突為司徒繼父之職

紀事
年表

武公

鄭武公從諸侯以兵送平王東遷于維王命武公東取
虢鄆十邑國之于是復施舊號于新邑謂之新鄭又鄭
遺民自咸林避戎南入漢中謂之南鄭

紀事
年表

鄭武公好賢賦緇衣

子貢詩傳
詩說同

詩序 緇衣美武公也父子並為周司徒善于其職
國人宜之故美其德以明有國善善之功焉

鄭武公欲伐胡先以其女妻胡君以娛其意因問於羣
臣吾欲用兵誰可伐者大夫闕其思對曰胡可伐武公

怒而戮之曰胡兄弟之國也子言伐之何也胡君聞之以鄭為親已遂不備鄭鄭人襲胡取之

韓子說難

鄭武公十年娶申侯女為夫人曰武姜生太子寤生生之難及生夫人弗愛後生少子叔段段生易夫人愛之二十七年武公疾夫人請公欲立段為太子公弗聽是歲武公卒寤生立是為莊公

史鄭世家約左氏文稍異

莊公

莊公元年封弟段于京號太叔祭仲曰京大于國非所

以封庶也莊公曰武姜欲之我弗敢奪也段至京繕治

甲兵與其母武姜謀襲鄭

史鄭世家

鄭莊公封弟叔段于京祭足諫之不聽大夫風之賦將

仲子

子貢詩傳

詩序 將仲子刺莊公也不勝其母以害其弟弟叔

失道而公弗制祭仲諫而公弗聽小不忍以致大亂

焉

詩說云莊公欲陷弟段授以大邑祭仲諫陽拒之大夫原其情而刺之

太叔段多才而好勇鄭人愛之賦叔于田

詩傳 詩說云大夫憂之

而作
此詩

詩序 叔于田刺莊公也叔處于京繕甲治兵以出

于田國人說而歸之

段不義而得衆鄭人歸之賦大叔

詩傳 詩說云大夫
憂之而作 詩序云

刺莊
公也

二十二年段果襲鄭武姜為內應莊公發兵伐段段走
伐京京人畔段段出走鄢鄢潰段出奔共於是莊公遷
其母武姜於城潁誓言曰不至黃泉毋相見也居歲餘

已悔思母潁谷之考叔有獻于公公賜食考叔曰臣有母請君食賜臣母莊公曰我甚思母惡負盟奈何考叔

曰穿地至黃泉則相見矣於是遂從之見母

史鄭世家

莊公失道君子去之國人思望焉作遵大路

詩序詩傳詩說入

鄆風為夫棄婦之詩

地志

河南

洧川縣牛脾山即莊公築隧見母之處

水經注

洧水南有鄭莊公望母臺莊公居夫人于

城潁故城臺以望母用伸在心之思

二十四年宋繆公卒公子馮奔鄭 鄭侵周地取禾

二十五年衛州吁弑其君桓公自立與宋伐鄭以馮故
也

二十七年始朝周桓王桓王怒其取禾弗禮也

二十九年莊公怒周弗禮與魯易枋許田

三十七年莊公不朝周周桓王率陳蔡虢衛伐鄭莊公
與祭仲高渠彌發兵自救王師大敗祝瞻射中王臂祝
瞻請從之鄭伯止之曰犯長且難之况敢陵天子乎乃

止夜令祭仲問王疾

史鄭世家
約左氏文

三十八年北戎伐齊齊使求救鄭遣太子忽將兵救齊
齊釐公欲妻之忽謝曰我小國非齊敵也時祭仲與俱
勸使取之曰君多內寵太子無大援將不立三公子皆
君也所謂三公子者太子忽其弟突次弟子疊也

史鄭世家

鄭世子忽辭昏于齊祭仲諫之賦有女同車

詩傳
說同

詩

詩序 有女同車刺忽也鄭人刺忽之不昏于齊也
太子忽嘗有功于齊齊侯請妻之齊女賢而不取卒

以無大國之助至于見逐故國人刺之

四十三年莊公卒

史鄭世家

鄭莊公卒公子爭立齊楚交伐忠臣憂之欲相率獻謀

以救其國故賦籜兮

詩說

詩

傳畧同

詩序 籜兮刺忽也君弱臣強不倡而和也

鄭公子五爭

五疑作互

兵革不息男女相棄民人思保其家

室賦出其東門閔亂也

詩序

詩說

云鄭之貞士宜其

室家不染淫俗而作

詩傳亦

同